

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1121/08
Sarajevo, 27.11.2008. godine

Z A P I S N I K

17. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 31. oktobra, 20. i 27. novembra 2008. godine

Sjednica je počela u 10.28.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, premijera Vlade Federacije BiH Nedžada Brankovića, ministre u Vladi Federacije BiH, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su Jasenko Tufekčić, Denis Zvizdić i Vanja Bročeta.

Na osnovu evidencije Stručne službe, predsjedavajući je konstatovao da sjednici prisustvuje 48 delegata, što čini većinu, te Dom naroda može raditi i punovažno odlučivati.

Prije delegatskih pitanja i inicijativa, predsjedavajući je pozvao delegata Miru Lazovića da obrazloži Rezoluciju o političkim ciljevima koju su na prošloj sjednici Doma naroda od 24.09.2008 podnijeli Miro Lazović i Ivo Komšić.

Potom je Miro Lazović obrazložio Rezoluciju o političkim ciljevima.

U raspravi u vezi sa Rezolucijom učestvovali su: Saša Magazinović, Drago Puzigaća, Besim Imamović i Miro Lazović.

Na osnovu rezultata poimeničnog glasanja, predsjedavajući je konstatovao da Dom naroda Parlamenta Federacije BiH nije usvojio Rezoluciju o političkim ciljevima, jer je za nju glasalo 29 delegata, dva delegata su bila protiv, a 17 delegata je bilo uzdržano.

Nakon toga predsjedavajući je podsjetio delegate da, na osnovu člana 104. Poslovnika o radu Doma naroda, mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Elvira Abdić-Jelenović osvrnula se na dopis glavnog federalnog tužioca u vezi sa njenim delegatskim pitanjem i istakla da nadležni organi trebaju istražiti pojave na koje se ukazuje u delegatskim pitanjima.

Također je izrazila nezadovoljstvo time što je pitanje, koje se tiče procesa koji se vode pred domaćim i stranim sudovima protiv Vlade Federacije, upućeno Općinskom sudu u Sarajevu, i zatražila da se ovo pitanje uputi federalnom pravobranioocu.

Željko Asić postavio je pitanje vezano uz zaustavljanje privatizacije „Aluminija“ d.d. Mostar.

Fahrudin Skopljak postavio je dva delegatska pitanja.

Prvo pitanje upućeno je Vladi Federacije a odnosi se na prijenos prava korištenja zemljišta pod k.č.1606/1, na Općinu Lukavac.

Drugo pitanje se odnosi na postavljanje semafora na magistralnom putu M4 na raskrsnici Modrac, ulaz u Lukavac. Također je postavio pitanje Federalnom ministarstvu prometa i komunikacija vezano uz izgradnju lijevog skretanja u naselju Devetak na istom magistralnom putu.

Muhamed Osmić pokrenuo je inicijativu za donošenje novih izmjena i dopuna Prijedloga Zakona o utvrđivanju i načinu izmirenja unutrašnjih obaveza Federacije BiH, u smislu amandmana koji je podnio na prethodne izmjene i dopune ovog Zakona, te da se Zakon dostavi po hitnom postupku.

Josip Perić je, u ime Kluba delegata hrvatskog naroda u Domu naroda Parlamenta Federacije, pokrenuo inicijativu za sazivanje posebne tematske sjednice Doma naroda na temu «Položaj privrede u Federaciji sa prijedlogom mjera za poboljšanje poslovnog okruženja».

Kenan Keserović uputio je pitanje Federalnom ministarstvu kulture i sporta da li je formirana radna grupa u vezi sa izradom Zakona o mladima na nivou Federacije i kada će doći u parlamentarnu proceduru, uz zahtjev da se u prilogu pisanog odgovora nađu imena, prezimena i zanimanja svih predstavnika radne grupe kao i radna verzija ili nacrt Zakona o mladima Federacije BiH.

Zijad Tvica je, u ime grupe delegata iz Posavskog kantona, pokrenuo inicijativu kojom se traži od Vlade Federacije da što hitnije predloži izmjene i dopune Zakona o pripadnosti javnih prihoda u Federaciji BiH.

Ramo Isak postavio je dva pitanja Vladi Federacije i zatražio pisane odgovore.

Prvo pitanje odnosi se na položaj zaposlenika koji se ne može zaposliti kod novog poslodavca iz razloga što prethodni poslodavac nije uplaćivao doprinose za tog zaposlenika.

Drugo pitanje odnosi se na zaštitu poslodavaca u slučaju kada oni ispostave fakturu a faktura im se ne plati, a poslodavac je bez obzira na to dužan izvršiti svoju obavezu plaćanja PDV-a.

Mislav Sučić postavio je dva pitanja.

Prvo pitanje odnosi se na zaduženja Federacije po kantonima te je zatražio da mu se dostavi izvještaj o dugu po kantonima.

Drugo pitanje vezano je za prihode JP «Jadranski sliv» u 2007. godini, te koliki je prihod od Hrvatske Elektroprivrede u tim prihodima i koji je pravni osnov za dobijanje tih prihoda.

Besim Spahić postavio je pitanje vezano uz poštivanje javnog konkursa prilikom imenovanja upravljačkih struktura i menadžmenta u javnim ustanovama i preduzećima čiji je većinski vlasnik Federacija. Zatražio je i informaciju za cijelu Federaciju a naročito za BH Telecom i JP BH Pošta u Zenici. Također je upitao kolika su primanja menadžmenta u preduzećima u većinskom vlasništvu Federacije u protekloj godini dana.

Nada Čulap postavila je pitanje federalnom ministru poljoprivrede, vodoprivrede i šumarstva u vezi sa donošenjem podsticajnih mjera za jesenju sjetvu u 2008. godini.

Daliborka Milović postavila je dva pitanja Ministarstvu za ljudska prava i izbjeglice Bosne i Hercegovine.

Prvo pitanje vezano je uz razmatranje prijedloga projekata za elektrifikaciju u 2008. godini, tj. zašto općina Goražde nije dobila podršku za elektrifikaciju.

Drugo pitanje se odnosi na definiciju termina «povratnik».

Besim Imamović postavio je dva pitanja.

Prvo pitanje upućeno je federalnom pravobraniocu a vezano je uz postojanje obaveze obavještanja federalnog ili kantonalnog pravobranilaštva od javnih preduzeća koja upravljaju državnom svojinom, a ta svojina je predmet sudskog spora. Upitao je da li postoje limiti vezano uz obavještanje.

Drugo pitanje odnosi se na poštivanje zaključaka Doma naroda kojim je Vlada Federacije obavezana na predlaganje novih zakonskih rješenja.

Ivo-Iva Tadić je postavio pitanje Vladi Federacije u vezi sa isplatom dugovanja po osnovu pravomoćnih presuda u oblasti zdravstva, pozivajući se na slučaj Doma zdravlja u Žepču.

Bojan Bošnjak postavio je pitanje Vladi Federacije i Federalnoj upravi za inspekcijske poslove u vezi sa nalazima i stavom Vlade Federacije i Federalne uprave za inspekcijske poslove u vezi sa obavljenim inspekcijskim pregledom u preduzeću «Arcerol Mital Zenica». Zatražio je i da mu se dostavi nalaz inspekcije i pisani odgovor na ovo pitanje.

Lidija Bradara postavila je pitanje premijeru Federacije u vezi sa inicijativom, koju je ona pokrenula, a koja se odnosi na donošenje Zakona o izmjenama Zakona o otpisu dospelih potraživanja po osnovu doprinosa.

Radoje Vidović upitao je zašto Vlada Federacije potpisuje kolektivne ugovore u oblastima u kojima nije nadležna.

* * *

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajući je obavijestio delegate da je Vlada Federacije dostavila Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom i Prijedlog Zakona o izmjenama i dopunama Zakona o zaštiti okoliša s prijedlogom da se razmatraju po hitnom postupku.

Budući da je Predstavnički dom Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom razmarao u formi nacrtu Zakona i da ga nije prihvatio, Kolegij Doma naroda je predložio da se ova tačka skine s dnevnog reda, što su delegati prihvatili (42 glasa za i dva uzdržana glasa).

Također, Kolegij Doma naroda je predložio da se Prijedlog Zakona o izmjenama i dopunama Zakona o zaštiti okoliša i Prijedlog Zakona o izmjenama i dopunama Zakona o federalnim jedinicama koji je predložio Nusret Sirčo, zastupnik u Predstavničkom domu, razmatraju u formi nacrtu zakona jer ih je tako razmatrao i Predstavnički dom.

Sa 40 glasova za, uz jedan glas protiv i uz dva uzdržana glasa, Dom naroda Parlamenta Federacije prihvatio je da se Prijedlog Zakona o izmjenama i dopunama Zakona o zaštiti okoliša razmatra u formi nacrtu zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije, jednoglasno (44 glasa), prihvatio da se Prijedlog Zakona o izmjenama i dopunama Zakona o federalnim jedinicama razmatra u formi nacrtu Zakona.

Predsjedavajući je također obavijestio delegate da je Vlada Federacije dostavila Prijedlog Zakona o izmjenama i dopunama Zakona o krivičnom postupku Federacije BiH s prijedlogom da se razmatra po skraćenom postupku.

Sa 42 glasa za, uz jedan glas protiv i uz jedan uzdržani glas, Dom naroda Parlamenta Federacije prihvatio je da se Prijedlog Zakona o izmjenama i dopunama Zakona o krivičnom postupku Federacije BiH razmatra po skraćenom postupku.

Kolegij Doma naroda predložio je da se 6. tačka predloženog dnevnog reda - Prijedlog Zakona o plaćama i drugim materijalnim pravima članova organa upravljanja institucija Federacije BiH i javnih preduzeća u većinskom vlasništvu Federacije BiH - skine s dnevnog reda ove sjednice i razmatra na narednoj sjednici, što su delegati prihvatili (43 glasa za i jedn uzdržani glas).

Radoje Vidović je, u ime Kluba delegata hrvatskog naroda, predložio da se 5. tačka iz predloženog dnevnog reda - Prijedlog Zakona o finansijskoj konsolidaciji rudnika uglja u Federaciji BiH prema obračunatim, a neuplaćenim javnim prihodima u periodu od 2009. do 2015. godine - skine s dnevnog reda i da se razmatra kad se usvoji Zakon o električnoj energiji.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio ovaj prijedlog jer je za njega glasalo 13 delegata.

Sa 32 glasa za, uz četiri glasa protiv i uz deset uzdržanih glasova, Dom naroda Parlamenta Federacije usvojio je sljedeći:

DNEVNI RED

1. Nacrt Zakona o izmjenama i dopunama Zakona o zaštiti okoliša;
2. Nacrt Zakona o izmjenama i dopunama Zakona o federalnim jedinicama (predlagač: Nusret Sirčo, zastupnik u Predstavničkom domu);
3. Prijedlog Zakona o izmjenama i dopunama Zakona o krivičnom postupku Federacije BiH - skraćeni postupak;
4. Prijedlog Zakona o finansijskoj konsolidaciji rudnika uglja u Federaciji BiH prema obračunatim, a neuplaćenim javnim prihodima u periodu od 2009. do 2015. godine;
5. Prijedlog Zakona o tržištu vrijednosnih papira;
6. Prijedlog Zakona o investicijskim fondovima;
7. Prijedlog Zakona o leasingu;
8. Prijedlog Zakona o izmjenama i dopunama Zakona o privrednim društvima;
9. Prijedlog Zakona o izmjenama i dopunama Zakona o javnim preduzećima u Federaciji BiH;
10. Nacrt Zakona o jedinstvenom sistemu registracije, kontrole i naplate doprinosa;
11. Nacrt Zakona o ugostiteljskoj djelatnosti;
12. Nacrt Zakona o transplantaciji organa i tkiva u cilju liječenja;
13. Nacrt Zakona o reviziji privatizacije državnog kapitala u privrednim društvima i bankama;
14. Nacrt Zakona o izmjenama i dopunama Zakona o prostornom planiranju i korištenju zemljišta na nivou Federacije BiH;
15. Nacrt Zakona o izmjenama i dopunama Zakona o koncesijama;
16. Nacrt Zakona o turističkoj djelatnosti;
17. Nacrt Zakona o električnoj energiji;
18. Prijedlog Odluke o pristupanju izradi Regulacionog plana historijskog gradskog područja Počitelj za period od 2008. do 2018. godine;
19. a) Nacrt Sporazuma o kreditu između Bosne i Hercegovine koju zastupa Ministarstvo finansija i trezora i Bank Austria Creditanstalt AG,

- b) Odluka o davanju saglasnosti za prihvatanje kredita Bank Austria Creditanstalt AG – Beč za finansiranje Projekta izgradnje vodovoda Fojnica – Kiseljak i kanalizacijskog kolektora Lepenica - Kiseljak,
 - c) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Bank Austria Creditanstalt AG – Beč za Projekt izgradnje vodovoda Fojnica – Kiseljak i kanalizacijskog kolektora Lepenica – Kiseljak,
 - d) Informacija o robnom kreditu Bank Austria Creditanstalt AG – Beč za finansiranje Projekta izgradnje vodovoda Fojnica – Kiseljak i kanalizacijskog kolektora Lepenica – Kiseljak;
20. a) Odluka o davanju saglasnosti za prihvatanje granta Međunarodne banke za obnovu i razvoj za Projekt upravljanja Neretvom i Trebišnjicom,
- b) Informacija o predloženom grantu Međunarodne banke za obnovu i razvoj za pomoć u finansiranju Projekta upravljanja Neretvom i Trebišnjicom,
 - c) Usaglašeni Zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt upravljanja Neretvom i Trebišnjicom,
 - d) Usaglašeni Zapisnik sa zajedničkih pregovora između Republike Hrvatske i Bosne i Hercegovine i Međunarodne banke za obnovu i razvoj (IBRD) u funkciji implementacije Agencije za globalni Program za zaštitu životne sredine u vezi sa Projektom za upravljanje slivom rijeka Neretve i Trebišnjice;
21. a) Odluka o davanju saglasnosti za zaključivanje Ugovora o amandmanu kojim se mijenja Ugovor o zajmu Evropske banke za obnovu i razvoj za Projekt rekonstrukcije elektroenergetskog sistema,
- b) Odluka o davanju saglasnosti za prihvatanje zajma Evropske banke za obnovu i razvoj za reorganizaciju Projekta obnove elektroenergetskog sistema,
 - c) Odluka o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije BiH za zajam Evropske banke za obnovu i razvoj za reorganizaciju Projekta obnove elektroenergetskog sistema,
 - d) Informacija o reorganizaciji zajma Evropske banke za obnovu i razvoj (EBRD) za Projekt rekonstrukcije elektroenergetskog sistema Bosne i Hercegovine;
22. Nacrt Strategije reforme penzijskog sistema u Federaciji BiH i Zaključak Vlade Federacije BiH;
23. Izvještaj o stanju poljoprivrede u 2007. godini – Zeleni izvještaj;
24. Izvještaj o radu Nadzornog odbora Agencije za privatizaciju u Federaciji BiH za period od 01.07.2007. do 31.05.2008. godine;

25. Izbor i imenovanja.

Predsjedavajući je predložio da se o svim tačkama dnevnog reda obavi rasprava, a izjašnjavanje obavi na kraju, što su delegati prihvatili.

1. Nacrt Zakona o izmjenama i dopunama Zakona o zaštiti okoliša

Zakon je u formi prijedloga utvrdila Vlada Federacije.

Predstavnički dom je na 16. sjednici od 23.09.2008 godine odlučio da Zakon razmatra u formi nacrtu i Zaključkom ga prihvatio.

Zakon su u formi prijedloga Zakona razmatrala nadležna radna tijela i dostavila svoje izvještaje.

Zakon je obrazložila Kasema Ćatović, sekretar Federalnog ministarstva turizma i okoliša.

Ispred Komisije za jezička pitanja Izvještaj Komisije obrazložila je Mira Ljubijankić, predsjednica Komisije.

U pretresu su učestvovali: Besim Imamović, Kasema Ćatović, predsjednik Kluba delegata hrvatskog naroda Josip Perić i Lidija Bradara.

2. Nacrt Zakona o izmjenama i dopunama Zakona o federalnim jedinicama

Ovaj zakon je u obliku prijedloga zakona predložio Nusret Sirčo, zastupnik u Predstavničkom domu.

Predstavnički dom je na 16. sjednici od 23.09.2008 godine odlučio da Zakon razmatra u formi nacrtu i Zaključkom ga prihvatio.

Zakon su u formi prijedloga Zakona razmatrala nadležna radna tijela i dostavila svoje izvještaje.

Zakon je obrazložio Nusret Sirčo, predlagač Zakona.

U pretresu su učestvovali: Bojan Bošnjak, Asim Mekić, Saša Magazinović, Radoje Vidović, Željko Asić, Josip Perić, Muhamed Osmić, Igor Rajner, Besim Imamović, premijer Federacije Nedžad Branković, Besim Spahić, Sead Čaušević, Svetozar Pudarić, Mirsad Pindžo, Mislav Sučić, Drago Puzigaća i Nusret Sirčo.

3. Prijedlog Zakona o izmjenama i dopunama Zakona o krivičnom postupku Federacije BiH

Prijedlog Zakona utvrdila je Vlada Federacije.

Predstavnički dom je na 16. sjednici od 23.09.2008 godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Goran Šimić, predstavnik predlagača. U pretresu je učestvovao Svetozar Pudarić.

4. Prijedlog Zakona o finansijskoj konsolidaciji rudnika uglja u Federaciji BiH prema obračunatim, a neuplaćenim javnim prihodima u periodu od 2009. do 2015. godine

Prijedlog Zakona utvrdila je Vlada Federacije.

Predstavnički dom je na nastavku 16. sjednice od 14.10.2008 godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložili su Vahid Hećo, federalni ministar energije, rudarstva i industrije, i federalni premijer Nedžad Branković.

U pretresu su učestvovali: Elvira Abdić-Jelenović, predsjednik Kluba delegata hrvatskog naroda Josip Perić, federalni premijer Nedžad Branković, predsjednik Kluba delegata bošnjačkog naroda Alija Begović, Tomo Vidović, Besim Imamović, Asim Mekić, Ramo Isak, Besim Spahić, Sead Čaušević, Mislav Sušić, Svetozar Pudarić, Anđelko Mikulić, Muhamed Osmić, Lidija Bradara, Radoje Vidović i Muharem Serbezovski.

Nakon pretresa, premijer Nedžad Branković predložio je da se pretres prekine i odgodi izjašnjavanje o Prijedlogu Zakona za nastavak sjednice, što su delegati prihvatili.

Nakon toga predsjedavajući je prekinuo sjednicu.

Sjednica je prekinuta u 16.24.

NASTAVAK SJEDNICE ODRŽANE 20. NOVEMBRA 2008. GODINE

Sjednica je počela u 10.35.

Sjednici je predsjedavao Stjepan Krešić, predsjedavajući Doma naroda Parlamenta Federacije.

Na početku sjednice predsjedavajući je pozdravio: delegate, federalnu ministricu obrazovanja i nauke Melihu Alić, federalnog ministra energije, rudarstva i industrije Vahida Heću, predstavnike Vlade Federacije,

predstavnik udruženja sindikata, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su Jasenko Tufekčić i Tomo Vidović.

Na osnovu evidencije Stručne službe, predsjedavajući je konstatovao da sjednici prisustvuje 46 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da se trebaju izjasniti o prve tri tačke dnevnog reda o kojima je zaključena rasprava, dok u vezi sa tačkom 4. - **Prijedlog Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine** - rasprava nije zaključena.

U raspravi su učestvovali: federalni ministar energije, rudarstva i industrije Vahid Hećo, predsjednik Kluba delegata hrvatskog naroda Josip Perić, Besim Imamović, Muhamed Osmić, Svetozar Pudarić, Sead Čaušević i Nikola Simić.

Budući da je Klub delegata hrvatskog naroda predložio da se ne zaključuje rasprava i odgodi izjašnjavaње dok se Vlada Federacije u roku od sedam dana pismeno ne izjasni o nekim spornim pitanjima iz ovog Zakona, predsjedavajući je konstatovao da su delegati, sa 46 glasova, prihvatili ovaj prijedlog.

Nakon toga Domu naroda obratio se predstavnik Sindikata rudara.

Prešlo se na izjašnjavaње o tačkama o kojima je zaključena rasprava.

1. Nacrt Zakona o izmjenama i dopunama Zakona o zaštiti okoliša

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (46 glasova), usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o zaštiti okoliša i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

2. Nacrt Zakona o izmjenama i dopunama Zakona o federalnim jedinicama

Predsjedavajući je podsjetio delegate da je predlagač Nacrta Zakona Nusret Sirčo, zastupnik u Predstavničkom domu.

Na osnovu rezultata glasanja, predsjedavajući je konstatovao da Dom naroda Parlamenta Federacije **nije prihvatio** Nacrt Zakona o federalnim jedinicama, jer je za njega glasalo 19 delegata, pet delegate je bilo protiv, a deset delegata je bilo uzdržano.

3. Prijedlog Zakona o izmjenama i dopunama Zakona o krivičnom postupku Federacije Bosne i Hercegovine

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (44 glasa) usvojio Prijedlog Zakona o izmjenama i dopunama Zakona o krivičnom postupku Federacije Bosne i Hercegovine.

4. Prijedlog Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine

Predsjedavajući je obavijestio delegate da će se izjašnjavanje o ovoj tački obaviti na nastavku sjednice.

5. Prijedlog Zakona o tržištu vrijednosnih papira

Prijedlog Zakona utvrdila je Vlada Federacije.

Federalni ministar finansija naknadno je dostavio dopis u vezi sa ispravkom tehničke prirode koja se odnosi na čl. 52., 262., 263. i 270.

Predstavnički dom je na nastavku 16. sjednice od 14.10.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Samir Bakić, šef jedinice za upravljanje i koordinaciju sredstava za razvoj pri Federalnom ministarstvu finansija.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (46 glasova) usvojio Prijedlog Zakona o tržištu vrijednosnih papira.

6. Prijedlog Zakona o investicijskim fondovima

Prijedlog Zakona utvrdila je Vlada Federacije.

Federalni ministar finansija naknadno je dostavio dopis u vezi sa ispravkom tehničke prirode koja se odnosi na čl. 71. i 227.

Predstavnički dom je na nastavku 16. sjednice od 14.10.2008. godine usvojio Prijedlog Zakona, uz amandman koji se odnosi na brisanje stava 4. u članu 27., koji je Vlada Federacije prihvatila pa je postao sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Samir Bakić, šef jedinice za upravljanje i koordinaciju sredstava za razvoj pri Federalnom ministarstvu finansija.

U raspravi nije niko učestvovao.

Na osnovu rezultata glasovanja, predsjedavajući je konstatovao da je Dom naroda Parlamenta Federacije, sa 36 glasova za i uz jedan glas protiv, usvojio Prijedlog Zakona o investicijskim fondovima.

7. Prijedlog Zakona o leasingu

Prijedlog Zakona utvrdila je Vlada Federacije.

Predstavnički dom je na nastavku 16. sjednice od 14.10.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Samir Bakić, šef jedinice za upravljanje i koordinaciju sredstava za razvoj pri Federalnom ministarstvu finansija.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (38 glasova) usvojio Prijedlog Zakona o leasingu.

8. Prijedlog Zakona o izmjenama i dopunama Zakona o privrednim društvima

Prijedlog Zakona utvrdila je Vlada Federacije.

Predstavnički dom je na nastavku 16. sjednice od 29.10.2008. godine usvojio Prijedlog Zakona uz četiri amandmana Vlade Federacije koji su postali sastavni dio Prijedloga Zakona i 12 amandmana Predstavničkog

doma koje je Vlada Federacije prihvatila pa su također postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložila je Jasmina Pašić, predstavnica Federalnog ministarstva energije, rudarstva i industrije.

U raspravi su učestvovali: Igor Rajner, Elvira Abdić-Jelenović, Denis Zvizdić, Muhamed Osmić, Jasmina Pašić predstavnica Federalnog ministarstva eneregetike, rudarstva i industrije, Vahid Hećo, federalni ministar energije rudarstva i industrije i Alija Begović, predsjednik Kluba delegata bošnjačkog naroda.

Budući da je Klub delegata bošnjačkog naroda predložio Zaključak da se prekine rasprava o Prijedlogu Zakona i nastavi na narednoj sjednici, zajedno sa raspravom o Prijedlogu Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine a Vlada Federacije da dostavi odgovore na pitanja postavljena u raspravi, predsjedavajući je Zaključak stavio na glasanje i konstatovao da su delegati, sa 47 glasova za i uz jedan uzdržani glas, prihvatili Zaključak.

9. Prijedlog Zakona o izmjenama i dopunama Zakona o javnim poduzećima u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na nastavku 16. sjednice od 14.10.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložila je Jasmina Pašić, predstavnica Federalnog ministarstva energije, rudarstva i industrije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 40 glasova za i uz osam uzdržanih glasova, usvojio Prijedlog Zakona o izmjenama i dopunama Zakona o javnim poduzećima u Federaciji Bosne i Hercegovine.

10. Nacrt Zakona o jedinstvenom sistemu registracije, kontrole i naplate doprinosa

Nacrt Zakona utvrdila je Vlada Federacije.

Predstavnički dom je na nastavku 16. sjednice od 15.10.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje. Nacrt Zakona obrazložila je Mira Bradara, pomoćnik federalnog ministra finansija.

U raspravi su učestvovali Besim Imamović i Ivo Komšić.

Ivo Komšić predložio je da se prvo održi tematska sjednica o stanju privrede u Federaciji Bosne i Hercegovine a da se nakon toga obavi izjašnjavanje o Nacrtu Zakona o jedinstvenom sistemu registracije, kontrole i naplate doprinosa. Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za i uz sedam uzdržanih glasova, usvojio prijedlog Ive Komšića.

11. Nacrt Zakona o ugostiteljskoj djelatnosti

Nacrt Zakona utvrdila je Vlada Federacije.

Predstavnički dom je na nastavku 16. sjednice od 15.10.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Kasema Čatović, sekretar Federalnog ministarstva okoliša i turizma.

U raspravi su učestvovali: Elvira Abdić-Jelenović, Kenan Keserović i Kasema Čatović.

Na osnovu rezultata poimeničnog glasanja, predsjedavajući je konstatovao da je Dom naroda Parlamenta Federacije, sa 39 glasova za i uz četiri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o ugostiteljskoj djelatnosti i smatra da može poslužiti kao osnova za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

12. Nacrt Zakona o transplantaciji organa i tkiva u cilju liječenja

Nacrt Zakona utvrdila je Vlada Federacije.

Predstavnički dom je na nastavku 16. sjednice od 15.10.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt zakona obrazložio je Safet Omerović, federalni ministar zdravstva.

U raspravi su učestvovali: Snježana Milavić, Igor Rajner, Nikola Simić, Lidija Bradara, Alija Begović, Muharem Serbezovski i Safet Omerović, federalni ministar zdravstva.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za i uz pet uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o transplantaciji organa i tkiva u cilju liječenja i smatra da može poslužiti kao osnova za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

13. Nacrt Zakona o reviziji privatizacije državnog kapitala u privrednim društvima i bankama

Nacrt Zakona utvrdila je Vlada Federacije.

Predstavnički dom je na nastavku 16. sjednice od 15.10.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Jasmina Pašić, predstavnica Federalnog ministarstva energije, rudarstva i industrije.

U raspravi su učestvovali Igor Rajner i Elvira Abdić- Jelenović.

Na osnovu rezultata poimeničnog glasanja, predsjedavajući je konstatovao da Dom naroda Parlamenta Federacije **nije prihvatio** Nacrt Zakona o reviziji privatizacije državnoga kapitala u privrednim društvima i bankama, jer su za glasala 24 delegata, 17 je bilo uzdržanih, a tri su bila protiv.

Sjednica je prekinuta u 16.05.

NASTAVAK SJEDNICE ODRŽANE 27. NOVEMBRA 2008.GODINE

Sjednica je počela u 09.57.

Sjednici je predsjedavao Stjepan Krešić, predsjedavajući Doma naroda Parlamenta Federacije.

Na početku sjednice predsjedavajući je pozdravio: delegate, predsjednicu Federacije Borjanu Krišto, potpredsjednicu Federacije Spomenku Mičić, zamjenika premijera i federalnog ministra finansija Vjekoslava Bevandu, ministre u Vladi Federacije, predstavnike udruženja, sindikata, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdao je Jasenko Tufekčić.

Na osnovu evidencije Stručne službe, predsjedavajući je konstatovao da sjednici prisustvuje 50 delegata, što čini većinu, te Dom naroda može raditi i punovažno odlučivati.

4. Prijedlog Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine

Predsjedavajući je podsjetio delegate da je na prošlom nastavku sjednice zadužena Vlada Federacije da na osnovu zaključaka iznijetih na raspravi dostavi pismeno mišljenje kako bi se Dom naroda mogao izjasnit o Prijedlogu Zakona.

Josip Perić, predsjednik Kluba delegata hrvatskog naroda, zatražio je odgovor od federalnog ministra finansija - da li je dao saglasnost na Prijedlog Zakona, te upitao federalnog ministra pravde da li je to u skladu sa Ustavom Federacije. Također je istakao da će Klub delegata hrvatskog naroda podržati izmirivanje obaveza prema PIO dok sva druga potraživanja neće podržati.

Vahid Hećo, federalni ministar energije, rudarstva i industrije, izjavio je da je Vlada Federacije podnijela amandman na Prijedlog Zakona, koji glasi:

Amandman

U članu 3. u stavu 1. iza riječi: „Zakona“ dodaju se riječi: „izuzev obaveza za zdravstvo i obaveza za nezaposlene“, broj: „323.786.738 KM“ zamjenjuje se brojem: „200.109.014 KM“, a od prve do sedme alineje broj: „46.255.248 KM“ zamjenjuje se brojem: „28.587.002 KM“.

Iza stava 2. dodaje se novi stav 3. koji glasi:

„Način reguliranja obaveza za zdravstvo i obaveza za nezaposlene iz člana 2. ovog Zakona, utvrdit će se odgovarajućim propisima kantona Federacije.“

U raspravi su učestvovali: Lidija Bradara, Besim Imamović, Vahid Hećo, federalni ministar energije, rudarstva i industrije, Muharem Serbezovski i Josip Perić, predsjednik Kluba delegata hrvatskog naroda, koji je izjavio da će Klub podržati Prijedlog Zakona, ako Dom naroda podrži zaključke koje je pročitao.

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (53 glasa) usvojio sljedeće:

ZAKLJUČKE

1. Zadužuje se Vlada Federacije Bosne i Hercegovine i Federalno ministarstvo finansija da u roku od 90 dana ponudi Parlamentu Federacije Bosne i Hercegovine zakonsko rješenje kojim bi se stavka u Prijedlogu Zakona "Porezi na plaće" mogla otpisati i tako rasteretiti budžet Federacije Bosne i Hercegovine za 34.545.400 KM.
2. Zadužuje se Vlada Federacije Bosne i Hercegovine da istraži i utvrdi razloge zbog kojih su rudnici dovedeni u ovu poziciju, te poduzme odgovarajuće zakonske mjere i pokrene pitanje odgovornosti odgovornih osoba za eventualne propuste.
3. Ovakvo rješenje nastalih dugova u tzv. državnim poduzećima ne smije postati praksa, već se moraju naći druga rješenja koja neće finansijski opterećivati budžet Federacije Bosne i Hercegovine.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 43 glasa za i uz 10 uzdržanih glasova, usvojio Prijedlog Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine.

Budući da je Prijedlog Zakona usvojen u različitom tekstu u oba doma Parlamenta Federacije Bosne i Hercegovine **potrebno ga je usaglasiti.**

8. Prijedlog Zakona o izmjenama i dopunama Zakona o privrednim društvima

Predsjedavajući je podsjetio delegate da je na prošlom nastavku sjednice Klub delegata bošnjačkog naroda predložio da se prekine rasprava o ovom prijedlogu Zakona dok Vlada Federacije ne dostavi odgovore na postavljena pitanja.

U raspravi su učestvovali: Jasmina Pašić, predstavnica Federalnog ministarstva energije, rudarstva i industrije, Muhamed Osmić, Alija Begović, predsjednik Kluba delegata bošnjačkog naroda, Elvira Abdić-Jelenović, Svetozar Pudarić, Vahid Hećo, federalni ministar energije, rudarstva i industrije, Josip Perić, predsjednik Kluba delegata hrvatskog naroda, i Besim Imamović.

U vezi sa diskusijama Muhameda Osmića i Svezozara Pudarića Vahid Hećo, federalni ministar energije, rudarstva i industrije je, u ime Vlade Federacije podnio je dva amandmana na Prijedlog Zakona, koji glase:

Amandman I.

U članu 28. na kraju teksta tačka se zamjenjuje zarezom i dodaju riječi: “izuzev u privrednim društvima koja obavljaju djelatnosti iz oblasti: energetike, telekomunikacija, pošta i željezničkog prometa”.

Amandman II. (na Amandman I. Vlade Federacije podnesen na Predstavničkom domu)

U članu 42. u stavu 1. na kraju teksta tačka se zamjenjuje zarezom i dodaju riječi: “(uključujući, ali i ne ograničavajući se na: fondove, banke, agencije, komisije)”.

Stav 2. mijenja se i glasi:

“Stav 2. se briše.”

Iza stava 6. dodaje se novi stav 7. koji glasi:

“Ograničenja iz st. 3., 4. i 5. ne odnose se na članove nadzornog odbora privrednog društva sa većinskim državnim kapitalom, koji su imenovani ispred privatnog kapitala.”

Nakon toga se prešlo na glasanje o Prijedlogu Zakona.

Na osnovu rezultata glasanja, potpredsjedavajući Doma naroda Besim Imamović, koji je tada predsjedavao sjednicom, konstatovao je da je Dom naroda Parlamenta Federacije, sa 38 glasova za, uz šest uzdržanih glasova i uz dva glasa protiv, usvojio Prijedlog Zakona o izmjenama i dopunama Zakona o privrednim društvima.

Budući da je Prijedlog Zakona usvojen u različitom tekstu u oba doma Parlamenta Federacije Bosne i Hercegovine **potrebno ga je usaglasiti.**

14.Nacrt Zakona o izmjenama i dopunama Zakona o prostornom planiranju i korištenju zemljišta na nivou Federacije Bosne i Hercegovine

Nacrt Zakona utvrdila je Vlada Federacije.

Predstavnički dom je na nastavku 16. sjednice od 15.10.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Salko Obhodaš, federalni ministar prostornog uređenja.

U raspravi su učestvovali Denis Zvizdić, Bojan Bošnjak i Mislav Sučić.

Na osnovu rezultata glasanja, predsjedavajući Doma naroda Stjepan Krešić, koji je nastavio predsjedavati sjednicom, konstatovao je da je Dom naroda Parlamenta Federacije jednoglasno (46 glasova) usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o prostornom planiranju i korištenju zemljišta na nivou Federacije Bosne i Hercegovine i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

15. Nacrt Zakona o izmjenama i dopunama Zakona o koncesijama

Nacrt Zakona utvrdila je Vlada Federacije.

Predstavnički dom je na nastavku 16. sjednice od 15.10.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Šefik Koričić, predsjednik Komisije za koncesije Federacije Bosne i Hercegovine.

U raspravi su učestvovali: Denis Zvizdić, Šefik Korčić, Lidija Bradara, Asim Kamber, Kenan Keserović, Mira Ljubijankić, Mladen Lonić i Mislav Sučić.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 46 glasova za i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o koncesijama i smatra da može poslužiti kao osnova za izradu prijedloga Zakona.

2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

16. Nacrt Zakona o turističkoj djelatnosti

Nacrt Zakona utvrdila je Vlada Federacije.

Predstavnički dom je na nastavku 16. sjednice od 15.10.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Nevenko Herceg, federalni ministar turizma i okoliša.

U raspravi su učestvovali Kenan Keserović i Bojan Bošnjak.

Na osnovu rezultata glasanja, predsjedavajući Doma naroda je konstatirao da je Dom naroda Parlamenta Federacije jednoglasno sa 50 glasova usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o turističkoj djelatnosti i smatra da može poslužiti kao osnov za izradu Prijedloga zakona.
2. Zadužuje se Vlada Federacije Bosne i Hercegovine da prilikom izrade Prijedloga zakona ima u vidu prijedloge, primjedbe i sugestije iznesene na sjednici.

17. Nacrt Zakona o električnoj energiji

Nacrt Zakona utvrdila je Vlada Federacije.

Predstavnički dom je na nastavku 15. sjednice od 23.07.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Tarik Begić, predstavnik Federalnog ministarstva energije, rudarstva i industrije.

U raspravi je učestvovao Josip Perić.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 45 glasova za, uz dva glasa protiv i uz dva uzdržana glasa, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o električnoj energiji i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

18. Prijedlog Odluke o pristupanju izradi Regulacijskog plana historijskog gradskog područja Počitelj za period od 2008. do 2018. godine

Odluku je utvrdila Vlada Federacije i dostavila je Parlamentu Federacije radi razmatranja i donošenja.

Predstavnički dom je na nastavku 15. sjednice od 23.07.2008. godine donio Odluku, uz sugestiju na tačku VI. Odluke i pravno-tehničkom pogreškom u istoj točki koju je Vlada Federacije prihvatila.

Odluku su razmatrala nadležna radna tijela i dostavila svoje izvještaje.

Odluku je obrazložio Salko Obhođaš, federalni ministar prostornog uređenja.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije jednoglasno (50 glasova) donio Odluku o pristupanju izradi Regulacijskoga plana historijskog gradskog područja Počitelj za period od 2008. do 2018. godine.

- 19. a) Nacrt Sporazuma o kreditu između Bosne i Hercegovine koju zastupa Ministarstvo finansija i trezora i Bank Austria Creditanstalt AG**
- b) Odluka o davanju saglasnosti za prihvatanje kredita Bank Austria Creditanstalt AG – Beč za finansiranje Projekta izgradnje vodovoda Fojnica – Kiseljak i kanalizacijskog kolektora Lepenica - Kiseljak**
- c) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Bank Austria Creditanstalt AG – Beč za Projekt izgradnje vodovoda Fojnica – Kiseljak i kanalizacijskog kolektora Lepenica – Kiseljak**
- d) Informacija o robnom kreditu Bank Austria Creditanstalt AG – Beč za finansiranje Projekta izgradnje vodovoda Fojnica – Kiseljak i kanalizacijskog kolektora Lepenica – Kiseljak**

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 16. sjednice od 15.10.2008. godine odobrio odluke uz Zaključak.

Odluke su razmatrala nadležna radna tijela i dostavila svoje izvještaje.

Predsjedavajući je predložio da se o odlukama vodi zajednička rasprava, a izjašnjavanje obavi pojedinačno, što su delegati prihvatili.

U raspravi nije niko učestvovao.

- a) Nacrt Sporazuma o kreditu između Bosne i Hercegovine koju zastupa Ministarstvo finansija i trezora i Bank Austria Creditanstalt AG**

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 48 glasova za i uz jedan uzdražni glas, **primio k znanju** Nacrt Sporazuma o kreditu između Bosne i Hercegovine koju zastupa Ministarstvo finansija i trezora i Bank Austria Creditanstalt AG.

- b) Odluka o davanju saglasnosti za prihvatanje kredita Bank Austria Creditanstalt AG – Beč za finansiranje Projekta izgradnje vodovoda Fojnica – Kiseljak i kanalizacijskog kolektora Lepenica - Kiseljak**

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 49 glasova za i uz jedan glas protiv, donio Odluku kojom je **odobrio** Odluku o davanju saglasnosti za prihvatanje kredita Bank Austria Creditanstalt AG – Beč za

finansiranje Projekta izgradnje vodovoda Fojnica – Kiseljak i kanalizacijskog kolektora Lepenica - Kiseljak.

**c) Odluka o davanju saglasnosti za zaključivanje
Supsidijarnog kreditnog sporazuma između Bosne i
Hercegovine i Federacije Bosne i Hercegovine za kredit
Bank Austria Creditanstalt AG – Beč za Projekt izgradnje
vodovoda Fojnica – Kiseljak i kanalizacijskog kolektora
Lepenica – Kiseljak**

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 49 glasova za i uz jedan glas protiv, donio Odluku kojom je **odobrio** Odluku o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Bank Austria Creditanstalt AG – Beč za Projekt izgradnje vodovoda Fojnica – Kiseljak i kanalizacijskog kolektora Lepenica – Kiseljak.

**d) Informacija o robnom kreditu Bank Austria Creditanstalt
AG – Beč za finansiranje Projekta izgradnje vodovoda
Fojnica – Kiseljak i kanalizacijskog kolektora Lepenica –
Kiseljak**

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 49 glasova za i uz jedan uzdržani glas, **primio k znanju** Informaciju o robnom kreditu Bank Austria Creditanstalt AG – Beč za finansiranje Projekta izgradnje vodovoda Fojnica – Kiseljak i kanalizacijskog kolektora Lepenica – Kiseljak.

- 20. a) Odluka o davanju saglasnosti za prihvatanje granta Međunarodne banke za obnovu i razvoj za Projekt upravljanja Neretvom i Trebišnjicom**
- b) Informacija o predloženom grantu Međunarodne banke za obnovu i razvoj za pomoć u finansiranju Projekta upravljanja Neretvom i Trebišnjicom**
- c) Usaglašeni zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt upravljanja Neretvom i Trebišnjicom**
- d) Usaglašeni zapisnik sa zajedničkih pregovora između Republike Hrvatske i Bosne i Hercegovine i Međunarodne banke za obnovu i razvoj (IBRD) u funkciji implementacije Agencije za globalni Program za zaštitu životne sredine u vezi sa Projektom za upravljanje slivom rijeka Neretve i Trebišnjice**

Odluku je donijela Vlada Federacije i dostavila je Parlamentu Federacije radi razmatranja i odobrenja.

Predstavnički dom je na nastavku 16. sjednice od 15.10.2008. godine odobrio Odluku.

Odluku su razmatrala nadležna radna tijela dostavila svoje izvještaje.

U raspravi nije niko učestvovao.

- a) Odluka o davanju saglasnosti za prihvatanje granta Međunarodne banke za obnovu i razvoj za Projekt upravljanja Neretvom i Trebišnjicom**

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije jednoglasno (50 glasova) donio Odluku kojom je **odobrio** Odluku o davanju saglasnosti za prihvatanje granta Međunarodne banke za obnovu i razvoj za Projekt upravljanja Neretvom i Trebišnjicom.

- b) Informacija o predloženom grantu Međunarodne banke za obnovu i razvoj za pomoć u financiranju Projekta upravljanja Neretvom i Trebišnjicom**

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije jednoglasno (50 glasova) **primio k znanju** Informaciju o predloženom grantu Međunarodne banke za obnovu i razvoj za pomoć u finansiranju Projekta upravljanja Neretvom i Trebišnjicom.

c) Usaglašeni zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt upravljanja Neretvom i Trebišnjicom

d) Usaglašeni zapisnik sa zajedničkih pregovora između Republike Hrvatske i Bosne i Hercegovine i Međunarodne banke za obnovu i razvoj (IBRD) u funkciji implementacije Agencije za globalni Program za zaštitu životne sredine u vezi sa Projektom za upravljanje slivom rijeka Neretve i Trebišnjice

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije jednoglasno (50 glasova) **primio k znanju** Usaglašeni zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt upravljanja Neretvom i Trebišnjicom i Usaglašeni zapisnik sa zajedničkih pregovora između Republike Hrvatske i Bosne i Hercegovine i Međunarodne banke za obnovu i razvoj (IBRD) u funkciji implementacije Agencije za globalni Program za zaštitu životne sredine u vezi sa Projektom za upravljanje slivom rijeka Neretve i Trebišnjice.

21. a) Odluka o davanju saglasnosti za zaključivanje Ugovora o amandmanu kojim se mijenja Ugovor o zajmu Evropske banke za obnovu i razvoj za Projekt rekonstrukcije elektroenergetskog sistema

b) Odluka o davanju saglasnosti za prihvatanje zajma Evropske banke za obnovu i razvoj za preustroj Projekta obnove elektroenergetskog sistema

c) Odluka o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za zajam Evropske banke za obnovu i razvoj za preustroj Projekta obnove elektroenergetskog sistema

d) Informacija o preustroju zajma Evropske banke za obnovu i razvoj (EBRD) za Projekt rekonstrukcije elektroenergetskog sistema Bosne i Hercegovine

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 16. sjednice od 15.10.2008. godine odobrio ove odluke uz Zaključak.

Odluke su razmatrala nadležna radna tijela i dostavila svoje izvještaje.

Predsjedavajući je predložio da se o odlukama vodi zajednička rasprava, a izjašnjavanje obavi pojedinačno, što su delegati prihvatili.

U raspravi nije ntko učestvovao.

a) Odluka o davanju saglasnosti za zaključivanje Ugovora o amandmanu kojim se mijenja Ugovor o zajmu Evropske banke za obnovu i razvoj za Projekt rekonstrukcije elektroenergetskog sistema

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 47 glasova za, uz jedan uzdržani glas i uz jedan glas protiv, donio Odluku kojom je **odobrio** Odluku o davanju saglasnosti za zaključivanje Ugovora o amandmanu kojim se mijenja Ugovor o zajmu Evropske banke za obnovu i razvoj za Projekt rekonstrukcije elektroenergetskog sistema.

b) Odluka o davanju saglasnosti za prihvatanje zajma Evropske banke za obnovu i razvoj za preustroj Projekta obnove elektroenergetskog sistema

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 47 glasova za i uz jedan glas protiv, donio Odluku kojom je **odobrio** Odluku o davanju saglasnosti za prihvatanje zajma Evropske banke za obnovu i razvoj za preustroj Projekta obnove elektroenergetskog sistema.

c) Odluka o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za zajam Evropske banke za obnovu i razvoj za preustroj Projekta obnove elektroenergetskog sistema

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 47 glasova za i uz jedan glas protiv, donio Odluku kojom je **odobrio** Odluku o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za zajam Evropske banke za obnovu i razvoj za preustroj Projekta obnove elektroenergetskog sistema.

d) Informacija o preustroju zajma Evropske banke za obnovu i razvoj (EBRD) za Projekt rekonstrukcije elektroenergetskog sistema Bosne i Hercegovine

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 47 glasova za i uz jedan glas protiv, **primio k znanju** Informaciju o preustroju zajma Evropske banke za obnovu i razvoj (EBRD) za Projekt rekonstrukcije elektroenergetskog sistema Bosne i Hercegovine.

22. Nacrt Strategije reforme penzionog sistema u Federaciji Bosne i Hercegovine i Zaključak Vlade Federacije Bosne i Hercegovine

Nacrt Strategije utvrdila je Vlada Federacije i dostavila ga Parlamentu Federacije radi odobravanja.

Predstavnički dom je na nastavku 9. sjednice od 30.01.2008. godine razmatrao Nacrt Strategije reforme i Zaključkom ga prihvatio.

Nacrt Strategije razmatrala su nadležna radna tijela i dostavila svoje izvještaje.

Nacrt Strategije obrazložila je Zehra Novo-Omanović, pomoćnica federalnog ministra rada i socijalne politike.

U raspravi su učestvovali Kenan Keserović i Sulejman Garib.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 48 glasova za i uz jedan uzdržani glas, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Strategije reforme penzionog sistema u Federaciji Bosne i Hercegovine sa Zaključkom Vlade Federacije Bosne i Hercegovine i smatra da može poslužiti kao osnova za izradu prijedloga Strategije.
2. Zadužuje se Vlada Federacije Bosne i Hercegovine da prilikom izrade prijedloga Strategije ima u vidu prijedloge, primjedbe i sugestije iznesene na sjednici.

23. Izvještaj o stanju poljoprivrede u 2007. godini – Zeleni izvještaj

Izvještaj je utvrdila Vlada Federacije i dostavila ga Parlamentu Federacije.

Predstavnički dom je na nastavku 15. sjednice od 23.09.2008. godine razmatrao Izvještaj i Zaključkom ga prihvatio.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Damir Ljubić, federalni ministar poljoprivrede, vodoprivrede i šumarstva.

Ispred Odbora za poljoprivredu, vodoprivredu i šumarstvo, predsjednik Odbora Zoran Budimić predložio je da Dom naroda usvoji Zaključke koje je pročitao.

U raspravi je učestvovao Mislav Sučić.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije jednoglasno (41 glas) prihvatio Izvještaj o stanju poljoprivrede u 2007. godini – Zeleni izvještaj i usvojio sljedeće

ZAKLJUČKE

1. Zadužuje se Vlada Federacije Bosne i Hercegovine da u skladu sa ranije donesenim Zaključcima oba doma Parlamenta Federacije Bosne i Hercegovine intenzivira aktivnosti u vezi sa formiranjem ministarstva poljoprivrede na državnom nivou.
2. Zadužuju se Vlada Federacije Bosne i Hercegovine i Federalno ministarstvo poljoprivrede, vodoprivrede i šumarstva da do formiranja ministarstva poljoprivrede na državnom nivou ostvaruju čvršću saradnju sa nadležnim ministarstvom Republike Srpske i Distrikta Brčko u cilju ujednačenijeg pristupa u formalno-pravnom rješavanju aktuelnih problema vezanih uz sektor poljoprivrede.
3. Zadužuje se Vlada Federacije Bosne i Hercegovine da u skladu sa obavezama koje proizilaze iz Srednjoročne strategije razvoja poljoprivrednog sektora u Federaciji Bosne i Hercegovine (2006.-2010. godina), osigura svake godine sredstva za poticaje u primarnoj poljoprivrednoj proizvodnji i ruralnom razvoju u iznosu od najmanje 6% budžeta Federacije Bosne i Hercegovine.
4. Zadužuje se Federalno ministarstvo poljoprivrede, vodoprivrede i šumarstva da pripremi detaljnu analizu datih sredstava za poticaje u smislu njihovog uticaja na poboljšanje kvaliteta i povećanje obima poljoprivredne proizvodnje.
5. Zadužuje se Federalno ministarstvo poljoprivrede, vodoprivrede i šumarstva da u što kraćem roku poduzme sve aktivnosti neophodne za formiranje i osposobljavanje uzgojno-selektivnih službi na svim nivoima.
6. Zadužuju se Federalno ministarstvo i nadležna kantonalna ministarstva poljoprivrede, vodoprivrede i šumarstva da u što kraćem roku poduzmu sve aktivnosti neophodne za jačanje i poboljšavanje rada svih inspeksijskih službi.
7. Zadužuje se Vlada Federacije Bosne i Hercegovine da u okviru svojih nadležnosti poduzme sve potrebne mjere na zaštiti domaćih poljoprivrednih proizvođača od nelojalnih veletrgovačkih lobija i lanaca, što podrazumijeva i upućivanje zahtjeva Vijeću ministara i Ministarstvu vanjske trgovine Bosne i Hercegovine za poduzimanjem mjera iz njihove nadležnosti, a u skladu sa ranije donesenim Zaključcima oba doma Parlamenta Federacije Bosne i Hercegovine.
8. Preporučuje se Vladi Federacije Bosne i Hercegovine da u okviru svojih nadležnosti pronađe načine i modalitete za korigovanje cijena repromaterijala koji se koriste u poljoprivrednoj proizvodnji (marža, carina i dr.- zakoni u okviru CEFTA, Sporazum o carinama).

24. Izvještaj o radu Nadzornog odbora Agencije za privatizaciju u Federaciji Bosne i Hercegovine za period od 01.07.2007. do 31.05.2008. godine

Na osnovu člana 13. Zakona o Agenciji za privatizaciju, Nadzorni odbor Agencije za privatizaciju Federacije Bosne i Hercegovine podnio je Izvještaj o svom radu Parlamentu Federacije.

Predstavnički dom je na nastavku 15. sjednice od 23.09.2008. godine prihvatio Izvještaj.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Safedin Bajramović, predsjednik Nadzornog odbora Agencije za privatizaciju.

U raspravi niko nije učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 30 glasova za i uz jedan glas protiv, prihvatio Izvještaj o radu Nadzornog odbora Agencije za privatizaciju u Federaciji Bosne i Hercegovine za period od 01.07.2007. do 31.05.2008. godine.

25. Izbor i imenovanja

a) Prijedlog Odluke o imenovanju zamjenika direktora Agencije za bankarstvo Federacije Bosne i Hercegovine

Na osnovu člana 10. Zakona o Agenciji za bankarstvo Federacije Bosne i Hercegovine, na prijedlog Vlade Federacije, Parlament Federacije donio je Odluku o imenovanju zamjenika direktora Agencije za bankarstvo Federacije Bosne i Hercegovine.

Predstavnički dom je na nastavku 16. sjednice od 28.10.2008. godine donio Odluku da se **Nedžad Tuće** imenuje za zamjenika direktora Agencije za bankarstvo Federacije Bosne i Hercegovine.

Komisija za izbor i imenovanja pripremila je Prijedlog Odluke o imenovanju zamjenika direktora Agencije za bankarstvo Federacije Bosne i Hercegovine.

U vezi sa Odlukom govorila je Zada Gabela, sekretar Federalnog ministarstva finansija.

U raspravi nije niko učestvovao.

Sa 37 glasova za i uz jedan uzdržani glas, Dom naroda Parlamenta Federacije donio je Odluku da se **Nedžad Tuće** imenuje za zamjenika direktora Agencije za bankarstvo Federacije Bosne i Hercegovine.

b) Prijedlog Odluke o imenovanju Upravnog odbora Radio-televizije Federacije Bosne i Hercegovine

Na osnovu člana 65. Zakona o Javnom servisu Radio-televizije Federacije Bosne i Hercegovine, a na prijedlog Vlade Federacije, Parlament Federacije donio je Odluku o imenovanju Upravnog odbora Radio-televizije Federacije Bosne i Hercegovine.

Komisija za izbor i imenovanja pripremila je Prijedlog Odluke o imenovanju Upravnog odbora Radio-televizije Federacije Bosne i Hercegovine.

Ispred Komisije za izbor i imenovanja govorio je Željko Asić.

Alija Begović, predsjednik Kluba delegata bošnjačkog naroda, izjavio je da Klub traži odgodu izjašnjavanja do naredne sjednice jer se ni Predstavnički dom nije izjasnio o Odluci a Klub smatra da svaki konstitutivni narod kao i ostali trebaju birati svoje predstavnike u Upravni odbor Radio-televizije Federacije Bosne i Hercegovine.

U raspravi su učestvovali: Svetozar Pudarić, Željko Asić, Asim Kamber, Lidija Bradara, Muharem Serbezovski i Fahrudin Skopljak.

Predsjedavajući je predložio da se izjašnjavanje o Odluci obavi na narednoj sjednici, što su delegati prihvatili.

c) Prijedlog Odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine

Prijedlog Odluke utvrdila je Komisija za izbor i imenovanja.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije jednoglasno (43 glasa) donio Odluku o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine, kojom je u Komisiju za jezička pitanja za člana iz reda stručnih, naučnih, kulturnih i javnih radnika izabrana **Željka Orozović** iz reda srpskog naroda umjesto Biljane Kovačević.

Sjednica je završena u 14.59.

* * *

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVALAČI

Stjepan Krešić